



Сыр бойы

Қызылорда облыстық қоғамдық-саяси газет • 1929 жылдың 1 шілдесінен шығады

№52
(20252)



6 сәуір, бейсенбі 2023 жыл

e-mail: syrboyi@yandex.kz

www.syrboyi.kz



www.facebook.com/syrboyi.kz/



www.instagram.com/syrboyi_kz



https://twitter.com/syrboyi



t.me/syrboyi_kz

ПРЕЗИДЕНТ



ҰЙЫМ ЖОСПАРЫ ТАЛҚЫЛАНДЫ

Мемлекет басшысы Қасым-Жомарт Тоқаев ҰҚШҰ Бас хатшысы Иманғали Тасмағамбетовті қабылдады.

Президентке Ұжымдық қауіпсіздік туралы шарт ұйымы Хатшылығының қызметі жөнінде мәлімет берілді.

Кездесуде ҰҚШҰ жұмысының негізгі бағыттары бойынша бірқатар мәселе, сондай-ақ Ұйымның осы жылғы жоспары талқыланды.

ЖЕМҚОРЛЫҚПЕН ЫМЫРАСЫЗ КҮРЕС ЖАЛҒАСАДЫ

Мемлекет басшысы Сыбайлас жемқорлыққа қарсы іс-қимыл агенттігінің басшылық құрамымен бейнебайланыс арқылы кеңес өткізіп, жаңадан тағайындалған төраға Асхат Жұмағалиды таныстырды.

Қасым-Жомарт Тоқаев Агенттіктің бұрынғы төрағасы Олжас Бектеновке атқарған жұмысы үшін ризашылығын білдіріп, оның жаңа қызметіне табыс тіледі.

Мемлекет басшысы Агенттіктің жаңа басшылығы мен жеке құрамына алдағы кезеңге арналған бірқатар міндет жүктеді. Президенттің айтуынша, Сыбайлас жемқорлыққа қарсы саясаттың 2022-2026 жылдарға арналған тұжырымдамасында көрсетілген шараларды толық жүзеге асыру керек. Жоғары лауазымды шенеуніктер арасындағы, әсіресе, халқымыздың әл-ауқатына тікелей әсер ететін салалардағы жемқорлықты анықтау және оның жолын кесу жөніндегі қатаң тәсілді жалғастыруға жөн. Жемқорлыққа итермелейтін жүйелі себептер мен жағдайларды жою, ақпараттық-түсіндіру жұмыстарын тиісті деңгейде жүргізу керек.

Мемлекет басшысының айтуынша, тергеу жұмыстарының нәтижесінде Агенттік құны 108 миллиард тенге көлеміндегі шығынды қайтаралды. Бұл — оң нәтиже. Бірақ, сонымен қатар, бұл өткен кездерде жемқорлық қаншалықты белен алғанын көрсетеді.

— Жемқорлықтың барлық түрімен ымырасыз күрес — мемлекетіміздің одан әрі дамуының басымдығы. Парақорлық, тамыр-таныстық, қонырау шалу арқылы мәселе шешу және тағы басқа келенділіктер жылдар бойы азаматтардың мемлекеттік институттарға деген сеніміне селкеу түсіргенін білесіздер. Осы орайда халықтың әділдікке деген үміті азая бастады. Сондықтан менің сайлау алдында берген уәдешімнің бірі жемқорлықты түбірімен жойғанша ымырасыз күрес жүргізу болды. Бұл істе Сыбайлас жемқорлыққа қарсы іс-қимыл агенттігі шешуші рөл атқарады. 2019 жылы маусымда құрылған сәттен бері аталған орган көптеген жұмыс атқарды. Оны мойындау керек. Жемқорлыққа қарсы күрес шараларының жүйесі белсенді дами бастады. Атап айтқанда, жаңа құқықтық институттар, өзіне бағынышты қызметкерлердің жемқорлық қылмысы үшін саяси және мемлекеттік тұлғалардың қызметтен кетуі, алдалыққа тексеріс, нормативтік-құқықтық актілерге жемқорлыққа қарсы жүргізілетін сараптама және тағы да басқа бастамалар осы санатқа кіреді. Олардың алғашқы нәтижелерін көріп отырмыз, — деді Президент.

НАРЫҚ

ЖАНАРМАЙДЫҢ ҚЫМБАТТАУЫ БАСҚА ТАУАРЛАР БАҒАСЫНА ӘСЕР ЕТЕ МЕ?

Энергетика министрлігі елде жанар-жағармай бағасының өсетінін жариялады. Министрдің міндетін атқарған Болат Ақшолоқов еліміздегі бензин бағасының көрші елдердегі бағадан айырмашылығы азайғанда ғана ішкі нарықтағы ахуалды тұрақтандыруға болатынын айтты. Ал Үкімет басшысы Әліхан Смайылов сейсенбіде өткен Үкімет отырысынан кейін журналистерге бағаның өсуі туралы мәлімдеме жасады.



Сб Биболат СӘТЖАН,
«Сыр бойы»

— Бұл онай шешім емес. Осы шешімді қабылдауға мәжбүр болып отырмыз. Қазір мұнай өнімдерінің бағаларын қайта қарамасақ, онда жақын арада біз мұнай өнімдерінің тапшылығына тап боламыз, — деді Ә.Смайылов. Үкімет басшысының айтуынша, елдегі жан басына шаққандағы дизель отынның жылына тұтынудың ең жоғары деңгейі — 370 литр. Ресейде 225, Қырғызстанда 98, ал Өзбекстанда 44 литр. Оған қоса, елдегі мұнай өңдеу зауыттары өз қуаты шегінде жұмыс істейді. Экспорттың және тапшылықтың негізгі факторы — Қазақстандағы төмен бағалар. Ресейде дизель 45, Қырғызстанда 64 пайызға, Өзбекстанда 2 есе қымбат. Сондықтан елдегі арзан отын көрші елдердің экономикасында өзінің ұлттық мүддесіне нұқсан келтіріп жұмыс істеуде.

Айта кетсек, қантарда Қазақстан бензин мен дизель отынның бөлшек сауда бағасын мемлекеттік реттеуді белгісіз мерзімге, мұнай өнімдерін елден автомобиль көлігімен әкетуге тыйым салуды 2023 жылдың ортасына дейін ұзартқан еді. Осылайша АИ-92 және АИ-93 маркалы бензиннің литрі 182-187 теңгеден 205 теңгеге дейін көтеріледі. Бензиннің бұл түрі 11 пайызға қымбаттап отыр. Ал дизельдің литрі 295 теңгеден сатылады. Қазір бұл отынның бағасы өңірлерге байланысты 230-260 теңге аралығында сатылып жатыр. Орташа өсім — 20 пайыз. Бұл ретте, ауыл шаруашылығы тауарын өндірушілер литріне 204 теңге бағаммен арзандатылған дизель отынның қамтамасыз етіледі. Дегенмен, жанармайдың қымбаттайтыны айтылғалы қоғамда алаңдаушылық ба-

сым. Өзгерістер 12 сәуірде күшіне енеді деп жоспарланса да, Қазақстанның кейбір аймақтарында дизель сатылымда жоқ. Қазірдің өзінде тапшылықты Алматы мен Шымкент тұрғындары сезінуде. Сондай-ақ, жанар-жағармай қымбаттағаннан кейін халық тұтынатын тауарлар бағасы да өсуі мүмкін. Энергетика министрлігі басқа тауарларда қандай да бір баға өсімі болған күннің өзінде бұл жоспарлы инфляция шегінде болмашы өсім ғана екенін айтады. Бірақ халықтың алаңдаушылығы негізсіз емес. Сарапшылардың айтуынша, бағаны әлдеқайда ертерек, 2022 жылдың қантарында сұйытылған газ бағасы көтерілгеннен кейін бірден көтеру керек болған. Себебі елде жанармай бағасы тым төмен. Ал бұл қазірдің өзінде елдің дамуына әсер етуде.

2-бет

МЕЗГІЛ МӘСЕЛЕСІ

САЛЫҚ ТӨЛЕУДЕН НЕГЕ ЖАЛТАРАМЫЗ?



Қарап отырсаңыз, өнімі өтімді, жұртшылық жиі келетін үлкен дүкендерде осы көрініс. Оның себебін салық төлеудің амалы болар деп ойладық. Расында, солай болып шықты. Облыстық мемлекеттік кірістер департаменті өндірістік емес төлемдер басқармасының басшысы Гүлжамал Шортанбаева:

— Қазір барлық банктен кәсіпкерлердің есепшотын сұратып жатырмыз. Оларды төтеннен тексеріп баруға құқымыз жоқ. Себебі мотарий жарияланған. Бұл мәселені қарастыратын боламыз, — деді.

Бізге салыққа қатысты сан түрлі мәселе барын бұдан бұрын да айтқан едік. Ақпан айының соңында облыс әкімінің төрағалығымен өткен жиналыста көтеріліп, сала басшыларына тапсырма берілген болатын. Салықты төлеуден жалтарып, жанама жол табуға тырысатындарға тексеру күшеймек. Облыс бюджетінің негізгі кіріс көзі осы салықтан екенін ескерсек, онда экономикамыздың дамуына кері әсер етіп отырғанымызды түсіну қиын емес секілді.

Қолдағы деректерге зер салайық. Өткен жылы жергілікті бюджеттің болжамы 104,1%-ға орындалып, бюджетке 79,9 млрд теңге түсіп түскен. Түсімдердің өсімі байқалады. Десе де түйткілді мәселелер жоқ емес. Айталық, облыстың салықтық түсімі 68 млрд теңгені құраса, халық саны (833 531) біздің өңірмен шамалас Қостанай облысының (832 110) түсімі 144 млрд теңге, яғни 2 есе артық. Оның ішінде жалақыдан төленетін салықтардың сомасы Қостанайда 76 млрд теңге, облыста бар болғаны 44 млрд теңге немесе 32 млрд теңгеге аз. Алайда көрсетілген мәліметтерден тағы бірнәрсені ұғыну керек. Біздегі жалақы мөлшерінің мардымсыз болуы немесе ірі-ірі кәсіпорындардың аздығы да әсер етуі мүмкін.

Сб Айсауле ҚАРАПАЕВА,
«Сыр бойы»

2-бет

АКТИВ

ОБЛЫС ӘКІМІНІҢ ОРЫҢБАСАРЫ ТАҒАЙЫНДАЛДЫ

Облыс әкімі Нұрлыбек Нәлібаев кадрлық өзгерістерге байланысты актив отырысында жаңа орынбасарын таныстырды. Қазақстан Республикасы Президенті Әкімшілігінің келісімі бойынша облыс әкімінің өкімімен Сансызбайұлы Балмейір облыс әкімінің орынбасары лауазымына тағайындалды.

— Балмейір Сансызбайұлы — мемлекеттік қызметте жемісті еңбек етіп, сатылап өскен білікті де тәжірибелі маман. Маңызды салаларда басшылық қызмет атқарған, тапсырманы тиянақты орындайтын жауапкершілігі жоғары азамат. Осы қызметте мемлекеттік сатып алу, еңбек қатынастары, сәулет-құрылыс бақылау, жолушылар көлігі және автомобиль жолдары, ветеринария салаларына жетекшілік жасайтын болады. Балмейір Сансызбайұлы әлеуеті жоғары кадр ретінде өз жұмысын жоғары кәсіби деңгейде атқарады деп сенемін, — деді облыс әкімі.

Актив отырысында облыстық мәслихат төрағасы Наурызбай Байқадамов пен облыстық қоғамдық кеңестің төрағасы Әріп Хожбанов Балмейір Сансызбайұлын құттықтап, қызметіне сәттілік тіледі.

Айта кетейік, облыс әкімінің орынбасарлары мен аппарат басшысы арасындағы міндеттер бөлінісі қайта бекітілді. Облыс әкімінің бірінші орынбасары Серік Қожаниязов ауыл шаруашылығы және жер қатынастары, қоршаған ортаны қорғау және табиғат ресурстарын пайдалану, кәсіпкерлік және өнеркәсіп, құрылыс, сәулет және қала құрылысы, энергетика және тұрғын үй-коммуналдық шаруашылығы салаларына жетекшілік жасайды.

2-бет

«ҚЫЗЫЛОРДА ТАЗАЛЫҒЫ» ЖАҢА ТЕХНИКАЛАРМЕН ТОЛЫҚТЫ

Стратегиялық бағдарламаларды сапалы жүзеге асырудың негізгі міндеті — халықтың өмір сүру деңгейі мен сапасын арттырғанда ғана орындалады десек, бұл бағытта облыс орталығында тұрғындардың игілігі үшін ілкімді істер атқарылуда.

Соның бір дәлелі, аймақ басшысының тікелей қолдауымен қаланың тазалығын қамтамасыз етіп отырған «Қызылорда тазалығы» ЖШС-на 20 арнайы техника алуға облыстық бюджеттен 742,8 млн теңге бөлініп, кеше оның алғашқы легі келе бастады.

Қызылорда қаласының әкімі Асылбек Шәменов жаңадан алынған екі фронталды тиегіші бар «Кызылорда тазалығы» ЖШС-ның теңгерімінде 125 техника болса, оның 91-і санитарлық тазалық жұмыстарына жұмылдырылған.

— Осы күнге дейін алынған техникалардың ескіруіне байланысты облыс әкімінің тікелей қолдауымен жүйелі жұмыстардың нәтижесі көрінуде. Алдағы уақытта арнайы техникалар рет-ретімен алынады, — деді ол.

«СБ» ақпарат



2-бет

